

LUB XEEV TXOJ CAI MUAB COV NYIAJ KHWV TAU LOS UAS SUAV RAU HAUV CALWORK HLOOV

Pib Lub Rau Hli, Tim 1, 2020, muaj ib co lus tswj tshiab nyob hauv qhov kev pabcuam CalWORKs uas tej zaum yuav muab cov nyiaj pab uas koj tau txais hloov. Thaum los xam tias saib koj yuav tau txais nyiaj pab npaum li cas, qhov nyiaj pab uas koj tau txais yog muab xam raws li qhov tias saib koj yim neeg muaj pes tsawg leej thiab saib koj cov nyiaj khwv tau los yog tau npaum li cas. Txoj cai pub kom muab tej co nyiaj khwv tau los rho tawm tsis muab suav coj los xam saib koj yuav tau txais nyiaj pab npaum li cas (qhov nyiaj tsis muab suav). Txoj cai tshiab muab Qhov Nyiaj Khwv Tau Los Uas Tsis Suav (Earned Income Disregard (EID)) hloov. Cov kev hloov ntawm no yuav txhais tau tias tej zaum koj cov nyiaj pab CalWORKs yuav nce rau thawj lub hlis ntawm lub sijhawm koj yuav tau txais tom ntej no.

Muaj tej lub sijhawm, tej zaum cov kev hloov uas tus kheej pom zoo hais qhia paub yuav ua rau cov nyiaj lawv tau los ntawm ib qho kev pabcuam nce, tiamsis kuj yuav ua rau cov nyiaj lawv tau los ntawm lwm qhov kev pabcuam nqes. Piv txwv, qhov nyiaj pab CalWORKS nce yuav ua tau rau qhov nyiaj CalFresh nqes.

Txoj kev los xam koj cov nyiaj pab CalWORKS tshiab yog:

- Yog koj yim neeg tau nyiaj Disability-Based Unearned Income (DBI) ntau tshaj \$500 rau ib hlis, peb ntsuas tsis suav \$500 xwb. (Cov nyiaj xiam oob qhab Social Security, nyiaj raug mob tom haujlwm, nyiaj xiam oob qhab los ntawm lub xeev, tej co nyiaj zoo li no, yuav muab hais tau tias yog nyiaj DBI). Peb yuav muab qhov nyiaj DBI uas tshaj \$500 rho tawm ntawm qhov nyiaj pab uas koj tau txais.
- Yog tias koj yim neeg tau nyiaj DBI li \$500 lossis tsawg dua, peb yuav tsis muab koj qhov nyiaj DBI coj los xam thaum peb yuav txiav txim tias saib koj yuav tau txais nyiaj pab npaum li cas.
- Yog tias koj los yeej muaj cov nyiaj khwv tau los ntawm haujlwm thiab no, peb yuav tsis muab qhov nyiaj DBI \$500 uas tseem tsis tau muab rho tawm coj los xam thaum peb yuav txiav txim tias koj yuav tau txais nyiaj pab npaum li cas.
- Ntxiv ntawd, peb los kuj yuav tsis suav 50% ntawm cov nyiaj khwv tau los ntawm haujlwm uas tseem tsis tau coj los xam.
- Qhov nyiaj tom qab muab cov nyiaj ntawm no rho tawm tag lawm yuav yog qhov nyiaj uas muab suav tau ua koj qhov nyiaj khwv tau los. Qhov nyiaj ntawm no yog qhov uas peb yuav muab siv los xam qhov tias saib koj yuav tau txais nyiaj pab npaum li cas.

Hauv qab no yog ib qho piv txwv tias saib cov nyiaj pab yog xam zoo li cas hauv ib qho Kev Tias Pab Pes Tsawg Leej Neeg (Assistance Unit (AU) tam sim no thaum siv cov nyiaj khwv tau los ntawm haujlwm coj los xam xwb.

Ib yim neeg uas muaj ib leej niam thiab ob tus menyuam uas tau txais nyiaj khwv tau los li \$1200 hauv ib lub hlis ua ntej txiav se tawm. Yim neeg nyob rau hauv IB Ceeb Tsam 1 (Region 1).

Qhov piv txwv ntawm no yog siv qhov nyiaj \$225 EID tam sim no:

\$1200	Cov nyiaj khwv tau los ua ntej txiav se tawm
<u>-225</u>	EID
\$975	Suav tag nrho ua ke
<u>-487.50</u>	50 feem pua ntawm qhov nyiaj EID
\$487	*Tag nrho cov nyiaj uas yuav muab suav tau ua nyiaj khwv tau los
\$878	Qhov Nyiaj Pab Ntau Tshaj Uas Yuav Muab Tau Rau (Yim Neeg Muaj 3 Leej Neeg Nyob Hauv Region 1)
<u>-487</u>	Tag nrho cov nyiaj uas yuav muab suav tau ua nyiaj khwv tau los
\$391	Qhov nyiaj pab txhua lub hlis

Qhov ntawm no yog tib qho piv txwv tiamsis yog siv qhov nyiaj EID ntau tshaj \$500:

\$1200	Cov nyiaj khwv tau los ua ntej txiav se tawm
<u>-500</u>	EID
\$700	Suav tag nrho ua ke
<u>-350</u>	50 feem pua ntawm qhov nyiaj EID
\$350	Tag nrho cov nyiaj uas yuav muab suav tau ua nyiaj khwv tau los
\$878	Qhov Nyiaj Pab Ntau Tshaj Uas Yuav Muab Tau Rau (Yim Neeg Muaj 3 Leej Neeg Nyob Hauv Region 1)
<u>-350</u>	Tag nrho cov nyiaj uas yuav muab suav tau ua nyiaj khwv tau los
\$528	Qhov nyiaj pab txhua lub hlis

* Tag nrho qhov nyiaj uas yuav muab suav ua nyiaj khwv tau los yuav muab txiav kom txwm ua nyiaj duslas.

Hauv qab no yog ib qho piv txwv tias saib cov nyiaj pab yog xam zoo li cas hauv qhov tias saib pab pes tsawg leej neeg (AU) thaum siv Qhov Nyiaj Tau Los Raws Li Muaj Kev Xiam Oob Qhab (Disability-Based Income) coj los xam.

Ib yim neeg uas muaj ib leej niam thiab ob tus menyuam uas tau txais nyiaj khwv tau los li \$1200 hauv ib lub hlis ua ntej txiav se tawm. Ib tus menyuam twg yeej tau txais \$200 nyiaj xiam oob qhab raws li ib tus niamtxiv qhov kev xiam oob qhab.

\$400	Nyiaj Tau Los Raws Li Muaj Kev Xiam Oob Qhab (Disability-Based Unearned Income (DBI))
<u>- 500</u>	EID
(\$-100)	Nyiaj DBI tsis suav uas tseem tsis tau rho tawm
\$1200	Cov nyiaj khwv tau los ua ntej txiav se tawm
<u>- 100</u>	Nyiaj DBI tsis suav uas tseem tsis tau rho tawm (nyob saum no)
\$1100	Suav tag nrho ua ke
<u>- 550</u>	50 feem pua ntawm qhov nyiaj EID
\$550	Tag nrho cov nyiaj uas yuav muab suav tau ua nyiaj khwv tau lose
\$878	Qhov Nyiaj Pab Ntau Tshaj Uas Yuav Muab Tau Rau (Yim Neeg Muaj 3 Leej Neeg Nyob Hauv Region 1)
<u>- 550</u>	Tag nrho cov nyiaj uas yuav muab suav tau ua nyiaj khwv tau los
\$328	Qhov nyiaj pab txhua lub hlis

Cov kev hloov ntawm no los yeej muab siv tib si rau cov neeg uas tau txais nyiaj pab los ntawm cov kev pabcuam Refugee Cash Assistance, Entrant Cash Assistance, thiab Trafficking and Crime Victims Assistance (TCVAP cash assistance thiab TCVAP CalWORKs), vim tias cov nyiaj pab hauv cov kev pabcuam ntawm no yeej yog muab raws li cov nyiaj pab CalWORKs.

Koj yuav tau txais ib tsab ntawv ceebtoom Notice of Action (NOA) tuaj qhia tias saib qhov nyiaj pab ntawm no yog nce zoo li cas. Yog tias koj los yeej tau txais nyiaj CalFresh thiab no, tej zaum koj yuav tau txais nyiaj CalFresh tsawg lawm vim qhov nyiaj pab ntawm no nce. Yog muaj zoo li ntawd, koj yuav tau txais ib tsab ntawv ceebtoom ntxiv los mus qhia tias koj qhov nyiaj CalFresh tshiab yog npaum li cas.